

四庫全書

集部

欽定四庫全書

萬首唐人絕句卷六十七

宋 洪邁 編

七言

三日尋李九莊

常建

雨歇楊林東渡頭  
永和三日盪輕舟  
故人家在桃花岸  
直到門前溪水流

塞下曲四首

玉帛朝回望帝鄉，烏孫歸去不稱王。  
天涯靜處無征戰，兵氣消為日月光。

北海陰風動地來，明君祠上御龍堆。  
髑髏皆是長城卒，日暮沙場飛作灰。

龍鬪雌雄勢已分，山崩鬼哭恨將軍。  
黃河直北千餘里，冤氣蒼蒼成黑雲。

因嫁單于怨在邊，蛾眉萬古葬遙天。  
漢家去此三千里，青冢常無草木煙。

送僧遊山

熊孺登

雲身自在山山去何處  
靈山不是歸日暮寒林投古寺  
雪花飛滿水田衣

雪中答僧書

八行銀字非常草  
六出天花盡是梅  
無所與陳童子別  
雪中辛苦遠山來

題逍遙樓傷故韋大夫

利及生人無更為  
落花流水舊城池  
逍遙樓上雕龍字

便是羊公墮淚碑

戲贈費冠卿

但恐紅塵虛白首  
寧論蹇逸分先後  
莫占鶯花笑寂寥  
長安春色年年有

梅花

來鵲

枝枝倚檻照池冰  
粉薄香殘恨不勝  
占得早芳何所利  
與他霜雪助威稜

聞蟬

綠槐陰裏一聲新霧薄風輕力未勻莫道聞時總惆悵  
有愁人有不愁人

賣花謠

紫艷紅苞價不同  
匝街羅列起香風  
無言無語呈顏色  
知落誰家池館中

子規

月落空山聞數聲  
此時孤館酒初醒  
投人語若似伊淚  
口畔血流應始聽

兩頭纖纖

雍裕之

兩頭纖纖八字眉  
半白半黑燈影帷  
膈膈膊膊曉禽飛  
磊磊落落秋果垂

了語

掃却煙塵冠  
初勦深水高林放  
魚鳥鷄人唱絕殘  
漏曉  
仙樂拍終天悄悄

不了語

浮名世利知多少  
朝市喧喧塵擾擾  
車馬交馳往復來

鐘鼓相催天又曉

聽彈沉湘

賈誼投文弔屈平  
瑤琴能寫此時情  
秋風一奏沉湘曲  
流水千年作恨聲

豪家夏冰詠

金錯銀盤貯賜冰  
清光如聳玉山稜  
無論塵客閒停扇  
直到消時不見蠅

宿棣華館聞鴈



不堪旅宿棣華館  
況有離羣鴻鴈聲  
一點秋燈殘影下  
不知寒夢幾回驚

農家望晴

嘗聞秦地西風雨  
為問西風早晚回  
白髮老農如鶴立  
麥場高處望雲開

宮人斜

幾多紅粉委黃泥  
野鳥如歌又似啼  
應有春魂化為燕  
年來飛入未央栖

曲江池上

殷勤春在曲江頭  
全藉羣仙占勝游  
何必三山待鸞鶴  
年年此地是瀛洲

和楊尚書重送

姚鵠

桂枝攀得獻庭闈  
何似空懷楚橘歸  
好控扶搖早回首  
人人思看大鵬飛

送僧入蜀過夏

曹松

師言結夏入巴峯  
雲水回頭凡幾重  
五月峩眉須近火

木皮願重祗如冬

武陵開元觀黃鍊師院三首 王昌齡

松間白髮黃尊師童子燒香禹步時  
欲訪桃源入溪路忽聞鷄犬使人疑

先賢盛說桃花源忝何堪武陵郡  
聞道秦時避地人至今不與人通問

山觀空虛清淨門從官役吏擾塵喧暫  
因問俗到真境便欲投誠依道源

黃道士房問易

齊心問易太陽宮八卦真形一氣中  
仙老言餘鶴飛去  
玉清壇上雨濛濛

送萬太歸長沙

桂楊秋水長沙縣  
楚竹離聲為君變  
青山隱隱孤舟微  
白鶴雙飛忽相見

送吳十九往沅陵

沅江流水到辰陽  
溪口逢君驛路長  
遠謫唯知望雷雨

明年春水共還鄉

別皇甫五

淑浦潭陽隔楚山  
離樽不用起愁顏  
明祠靈響期昭應  
天澤俱從此路還

送崔參軍往龍溪

龍溪只在龍標上  
秋月孤山兩相向  
譴謫離心是丈夫  
鴻恩共待春江漲

送鄭判官

東楚吳山驛樹微  
軺車銜命奉恩輝  
英寮携出新豐酒  
半道遙看驄馬歸

送姚司法歸吳

吳掾留觴楚郡心  
洞庭秋雨海門陰  
但令意遠扁舟送  
不道滄江百丈深

寄陶副使

聞道將兵破海門  
如何遠謫渡湘沅  
春來明主封西岳  
自有還君紫綬恩

至南陵答皇甫岳

與君同疾復漂淪  
昨夜宣城別故人  
明主恩波非歲久  
長江還共五溪濱

從軍行二首

胡瓶落膊紫薄汗  
碎葉城西秋月團  
明勅星馳封寶劍  
辭君一夜取樓蘭

玉門山嶂幾千重  
山北山南揔是烽  
人依遠戍須看火  
馬踏深山不見蹤

河上歌

河上老人坐古槎  
合丹只用青蓮花  
至今八十如四十  
口道滄溟是我家

汴河覽古

徐凝

煬帝龍舟向北行  
三千宮女采橈輕  
渡河不似如今唱  
為是誰家怨思聲

東白大人

昔時丈人鬢髮白  
千年松下鋤茯苓  
今來見此松樹死



大人斬新鬢髮青

覽鏡詞

寶鏡磨來寒水清  
青衣把就綠窓明  
潘郎懊惱新秋髮  
拔却一莖生兩莖

寄玄陽先生

不能相見見人傳  
巖岸山中岱岸邊  
顏貌只如三二十  
道年三百亦藏年

白人

暖風入煙花漠漠白人梳洗尋常薄泥郎為插瓏璵釵  
爭教一朶牙雲落

奉酬元相公上元

出擁樓船千萬人入為台輔九霄身如何更羨看燈夜  
曾見宮花拂面春

奉和鸚鵡

毛羽曾經剪處殘學人言語道暄寒任饒長被金籠闔  
也免栖飛雨雪難

將至妙喜寺

清風嫋嫋越水陂  
遠樹蒼蒼妙喜寺  
自有車輪與馬蹄  
未曾到此波心地

紅蕉

紅蕉曾到嶺南看  
校小芭蕉幾一般  
差是斜刀剪紅絹  
卷來開去葉中安

見少室

適我一簞孤客性  
問人三十六峯名  
青雲無忘白雲在

便可嵩陽老此生

語兒見新月

幾處天邊見新月  
經過草市憶西施  
娟娟水宿初三夜  
曾伴愁娥到語兒

回施先輩見新詩二首

九幽仙子西山卷  
讀了條繩繫又開  
此卷玉清宮裏少  
曾尋真誥讀詩來

紫河車裏丹成也  
阜莢枝頭早晚飛  
料得仙宮列仙著

如君進士出身稀

送沈亞之赴郢掾

千萬乘驄沈司戶不須惆悵郢中遊  
幾年白雪無人唱今日唯君上雪樓

高司馬移竹

馬戴

叢居堂下幸君移翠掩燈窻露葉垂  
莫羨孤生在山者無人看着拂雲枝

贈前蔚州崔使君

戰回脫劔綰銅魚塞鴈迎風避隼旗欲識前時為郡政  
校成上下考新書

入蒲闕寄故人

岑參

秦山數點似青黛渭水一條如白練京師故人不可見  
寄將兩紙西飛燕

五月四日送人

仙馬分明引馬頭西看一點是闕樓五日也應須到舍  
知君不肯更淹留

山房春事

風恬日暖蕩春光  
戲蝶游蜂亂入房  
數枝門柳低衣桁  
一片山花落筆床

寄陽朔友人

曹鄴

桂林雖產千株桂  
未解當天影日開  
我到月中收得種  
為君移向故園栽

題佛殿前孤石

劉長卿

迥出奇峯當殿前  
雪山靈鷲慙貞堅  
一片夏雲長不去

莓苔古色空蒼然

諫垣明日轉對

鄭谷

吾君英睿相君賢其奈寰區未晏然  
明日翠華春殿下不知何語可聞天

讀前集

風騷如線不勝悲國步多艱  
即此時愛日滿階看古集  
祇應陶集是吾師

郊墅戲題



竹巷溪橋天氣涼  
荷開稻熟村酒香  
唯憂野叟相同避  
莫道儂家是漢郎

宗人惠四藥

宗人忽惠西山藥  
四味清新香助茶  
爽得心神便騎鶴  
何須燒得白朱砂

題張衡廟

遠俗只憑滯祀切  
多年平子固悠悠  
江煙日午無簫鼓  
直到如今詠四愁

山鳥

驚飛失勢粉墻高  
好箇聲音好羽毛  
小婢不須催射彈  
且從枝上喫櫻桃

黯然

縉紳奔避復淪亡  
消息春來到水鄉  
屈指故人能幾許  
月明花好更悲涼

借薛尚書集

江天冬暖似花時  
上國音塵杳未知  
正被鶯聲喧老耳

今君又借薛能詩

小北廳閒題

冷曹孤宦本相宜  
山在墻南落照時  
洗竹澆莎足公事  
一來羸寫一聯詩

菊

日日池邊載酒行  
黃昏猶自遶黃英  
重陽過後頻來此  
甚覺多情勝薄情

送客之鄂州

韓翃

江口千家帶楚雲  
江花亂點雪紛紛  
春風落日誰相見  
青翰舟中有鄂君

問張山人疾

李端

先生沉病意何如  
蓬艾門前客轉踈  
不見領徒過絳帳  
唯聞與婢削丹書

再至長安

李涉

十年謫宦鬼方人  
三遇鴻恩始到秦  
今日九衢騎馬望  
却疑渾是剝頭身

贈道器法師

水作形容雪作眉  
早知談論兩川知  
如今不用空求佛  
但把令狐宰相詩

廬山得元侍御書

慙君知我命龍鍾  
一紙書來意萬重  
正著白衣尋古寺  
忽然郵遞到雲峯

寄訾光上人

陸希聲

筆下龍蛇似有神  
天池雷雨變逡巡  
寄言昔日不龜手

應念江湖泝泝人

寄李十負外

王仲舒

百丈懸泉舊卧龍  
欲將肝膽贖時雍  
唯愁又入煙霞去  
知在廬峯第幾重

題李賓客舊居

李虞

逢時不得致升平  
豈是明君忘姓名  
眼暗髮枯緣世事  
今來無淚哭先生

病中和大夫翫江月

許渾

江上懸光海上生仙舟迢遞繞軍營高歌一曲同筵醉  
却是劉楨坐到明

讀戾太子傳

佞臣巫蠱已相疑身沒湖邊築望思今日更歸何處是  
年年芳草上臺基

酬對雪見寄

飛度龍山下遠空拂簷紫竹晝濛濛知君吟罷意無限  
曾聽玉堂歌北風

王可封臨終

十世為儒少子孫一生長負信陵恩  
今朝埋骨寒山下  
為報慈親休倚門

泗上奉送相公

趙嘏

語堪銘座默含春  
西漢公卿絕比倫  
今日抱轅留不得  
欲揮雙涕學舒人

贈桐鄉丞

舟觸長松岸勢回  
潺湲一夜繞亭臺  
若教靖節先生見



不肯更吟歸去來

哭李進士

牽馬街中哭送君  
靈車輾雪隔城聞  
唯有山僧與樵客  
共舁孤櫬入幽墳

放鶴

雍陶

從今一去不須低見說  
遼東好去栖努力  
莫辭仙路遠  
白雲飛處免羣雞

早秋月夜

身閒伴月夜深行風觸衣裳四體輕為見近來天氣好  
幾篇詩興入秋成

前望江麴令頌德

蕭鎮

政績雖殊道且同無辭買石紀前功誰論重德光青史  
過里猶歌卧轍風

秋日出遊偶作

武元衡

黃花丹葉滿江城漸愛江頭風景清閒步欲舒山野性  
貌貅不許獨行行

贈別崔起居

三十年前會府同，紅顏銷盡兩成翁。  
別淚共將何處灑，錦江南渡足春風。

人日立春

盧仝

春度春歸無限春，今朝方始覺成人。  
從今克已應猶及，願與梅花俱自新。

訪鑿師姪

維摩青石講初休，緣訪親宗到普州。  
我有軍持憑弟子

岳陽溪裏汲寒流

酬朱侍御

他寢此時吾不寢  
近秋三五日逢晴  
相思唯有霜臺舊  
望盡孤光見却生

題韋雲叟草堂

新起此堂開北窓  
當窻山隔一重江  
白茆苫屋重重密  
愛彼秋天夜雨涼

方鏡

背如刀截機頭錦面似升量澗底泉銅爵臺南秋日得  
照來照去已三年

夏夜登南樓

水岸閒樓帶月躋夏林初見岳陽溪一點新螢報秋信  
不知何樹是菩提

李斯井

井存上蔡南門外置此井時來相秦斷綆數尋垂古甃  
取將寒水是何人

盆池

姚合

浮萍重疊水團圓  
客遶千遭屐齒痕  
莫驚池裏尋常滿  
一井清泉是上源

贈別胡逸

記得春闈同席試  
逡巡何啻十年餘  
今日相逢又相送  
予乘五馬子單車

光上人乞百齡藤杖

衰病近來多少力  
光公乞我百齡藤  
閒來此日向何處

過水緣山只訪僧

萬首唐人絕句卷六十七

欽定四庫全書

萬首唐人絕句卷六十八

宋 洪邁 編

七言

早入中書

錢 珝

不意雲霄能自致  
空驚鴛鴦忽相隨  
臘雪新晴栢子殿  
春風欲上萬年枝

和王員外雪晴早朝



紫微晴雪帶恩光  
遠仗偏隨鴛鴦行  
長信月留寧避曉  
宜春花滿不飛香

請告出春明門

李羣玉

本不將心挂名利  
亦無情意  
在樊籠  
鹿裘藜杖且歸去  
富貴榮華春夢中

旅游番禺獻涼公

帝鄉羣侶杳難尋  
獨立滄州歲暮心  
野鶴飛栖無遠近  
稻梁多處是恩深

張璪壁畫

片石長松倚素楹  
條然雲壑見高情  
世人只愛凡花鳥  
無處不知梁廣名

書院二小松

一雙幽色出凡塵  
數粒秋煙二尺鱗  
從此靜窓聞細韻  
琴聲長伴讀書人

言懷

白鶴高飛不逐羣  
嵇康琴酒鮑昭文  
此身未有棲歸處

天下人間一片雲

勸入廬山讀書

憐君少雋利如鋒  
氣爽神清刻骨聰  
片玉若磨唯轉瑩  
莫辭雲外入廬峯

聞笛

再再生山草何異  
截而吹之動天地  
望鄉臺上望鄉時  
不獨落梅兼落淚

曉宴

金波西傾銀漢落綠樹含煙倚朱閣曉華矚聰聞調笙  
一點殘燈隔羅幕

將遊荊州投魏中丞

貧埋病壓老嶮峴拂拭菱花不喜看又恐無人肯青眼  
事須憑仗小還丹

二辛夷

狂吟亂舞雙白鶴霜翎玉羽紛紛落空庭向晚春雨微  
却歛寒香抱瑤萼

題龍潭西齋

寂寞幽齋暝煙起滿徑西風落松子遠公一去梵率宮  
唯有門前虎谿水

鏡道中吹簫

陳陶

金欄白的苦簪篸雙鳳夜伴江南樓十洲人聽玉樓曉  
空向千山桃杏枝

贈野老

何年種芝白雲裏人傳先生老萊子消磨世上名利心

澹若巖間一流水

宿山祠

張籍

秋草宮中斜裏墓  
宮中誰送葬來時  
千千萬萬皆如此  
家在城邊亦不知

送律師歸婺州

京中開講已多時  
曾作壇頭證戒師  
歸到雙溪橋北寺  
鄉僧爭就學威儀

張蕭遠雪夜同宿

金  
八  
卷六十八  
數卷新遊蜀客詩  
長安僻巷得相隨  
草堂雪夜携琴宿  
況似青城館裏時

送李四校書

僧元孚

朱絲寫別鶴  
泠泠詩滿紅  
牋月滿庭  
莫學楚狂隳  
姓字知音  
還有子期聽

送小師勝雲

皎然

昨日雪山知爾名  
吾今坐石已三生  
少年道性易流動  
莫遣秋風入別情

送僧遊福州

禪子自矜禪性成，將心擬點建溪清。  
南看闕樹花不落，更取何情了妄情。

題三鄉驛

若耶溪女子

昔逐良人西入關，良人身沒妾空還。  
謝娘衛女不相待，為雨為雲過別山。

陸洞和

惆悵殘花怨暮春，孤鸞舞鏡倍傷神。  
清詞好箇干人事。



疑是文姬第二身

王祝和

女几山前嵐氣低  
佳人留眼此中題  
不知雲雨歸何處  
空使王孫見即迷

劉谷和

蘭蕙芬芳見玉姿  
路傍花笑景遲遲  
苧蘿山下無窮意  
併在三鄉惜別時

王條和

浣沙游女出關東  
舊跡新詞一夢中  
槐陌柳亭何限事  
年年回首泣春風

李昌鄴和

紅粉蕭娘手自題  
分明幽怨發雲闈  
不應更學文君去  
泣向殘花歸剡溪

王碩和

無姓無名越水濱  
芳詞空怨路傍人  
莫教才子偏惆悵  
宋玉東家是舊鄰

李縞和

會稽王謝兩風流  
王子沉淪謝女愁  
歸思若隨文字在  
路傍空為感千秋

張綺和

洛川依舊好風光  
蓮帳無因見女郎  
雲雨散來音信斷  
此生遺恨寄三鄉

高衢和

南北千山與萬山  
軒車誰不思鄉關  
獨留芳翰悲前跡

陌上恐傷桃李顏

韋水和

來時歡笑去時哀  
家國迢迢向越臺  
待寫百年幽思盡  
故宮流水莫相催

楊柳枝詞

韓琮

枝闕纖罽葉闕眉  
春來無處不如絲  
霸陵原上多離別  
少有長條拂地垂

二月二日游洛源

舊苑新晴草似苔  
人還香在踏青回  
今朝此地成惆悵  
已後逢春更莫來

駱谷晚望

秦川如畫渭如絲  
去國還家一望時  
公子王孫莫來好  
嶺花多是斷腸枝

暮春滙水送別

綠暗紅稀出鳳城  
暮雲宮闕古今情  
行人莫聽官前水  
流盡年光是此聲

晦日呈諸判官

韓 滉

晦日新晴春自嬌  
萬家攀折渡長橋  
年年老向江城寺  
不覺東風換柳條

贈去妾

崔 郊

公子王孫逐後塵  
綠珠垂淚滿羅巾  
侯門一入深如海  
從此蕭郎是路人

人日遇雪應制

李 嶠

千鍾聖酒御筵披  
六出祥雲亂繞枝  
即此神仙對瓊圃

何煩轍迹向瑤池

送司馬先生

蓬閣桃源兩處分  
人間海上不相聞  
一朝琴裏悲黃鶴  
何日山頭望白雲

邊詞

張敬忠

五原春色舊來遲  
二月垂楊未挂絲  
即今河畔冰開日  
正是長安花落時

河陽橋送別

柳中庸

黃河流出有浮橋  
晉國歸人此路遥  
若傍欄干千里望  
北風驅馬雨蕭蕭

征怨

歲歲金河復玉關  
朝朝馬策與刀環  
三春白雪歸青冢  
萬里黃河遶黑山

涼州曲

關山萬里遠  
征人一望關  
山淚滿巾  
青海戍頭空  
有月  
黃沙磧裏本無春



高檻連天望武威窮陰拂地戍金微九城絃管聲遙發  
一夜闌山雪滿飛

寒食

孟雲卿

二月江南花滿枝他鄉寒食遠堪悲貧居往往無煙火  
不獨明朝為子推

寒食夜

李宣古

人定朱門尚半開初星粲粲點昭回此時寒食無燈燭  
花柳蒼蒼月欲來

寒食獻犀守

伍唐珪

入門堪笑復堪憐，三徑苔封一釣船。  
慙愧四鄰教斷火，不知厨裏久無煙。

奉和祓禊

韋嗣立

乘風祓禊逐風光，扈蹕陪鑿渭渚傍。  
還笑當時水濱老，衰年八十待文王。

奉和祓禊

沈佺期

寶馬香車清渭濱，紅桃碧柳禊堂春。  
皇情尚憶垂竿佐

天祚先呈捧劍人

奉和祓禊

李又

上林花鳥暮春時  
上巳陪游樂在茲  
此日欣逢臨渭賞  
昔年空道濟汾詞

喜韓少府見訪

胡釘琰

忽聞梅福來相訪  
笑着荷衣出草堂  
兒童不慣見車馬  
走入蘆花深處藏

觀諸妓繡樣

日暮堂前花葉嬌，爭拈小筆上牀描。  
繡成安向春園裏，引得黃鶯下柳條。

小兒垂釣

蓬頭稚子學垂綸，倒坐莓苔草映身。  
路人借問遙招手，恐畏魚驚不應人。

葬寶雞行路士人

寥有方

嗟君沒世委空囊，幾度勞心翰墨場。  
半面為君申一慟，不知何處是家鄉。

傷春吟

何光遠

簷上簷前燕語新  
柳開花發自傷神  
誰能將我相思意  
說與隈江解珮人

荅龍女

淡蕩春光物象饒  
一枝瓊艷不勝嬌  
若能許解相思珮  
何羨星天渡鵲橋

催粧

玉漏涓涓銀漢清  
鵲橋新架路初成  
催粧既耍裁篇詠

鳳吹鸞歌早會迎

寶車輾駐綵雲開  
誤到蓬山頂上來  
瓊室既登花得折  
求將凡骨逐風雷

贈何生

明月潭龍女

坐久風吹綠綺寒  
九天月照水精盤  
不思却返沉潛去  
為惜春光一夜歡

留別何郎

負妾當時寤寐求  
從茲粉面阻綢繆  
宮空月苦瑤雲斷

寂寞巴江水自流

驚丹砂醉吟

劉道昌

心田但使靈芝長  
氣海常教法水朝  
功滿自然留不住  
更將何物馭丹霄

龜市告別

還丹功滿氣成胎  
九百年來混俗埃  
自此三山一歸去  
無因重到世間來

貨丹吟

鄰場道人

尋仙何必三山上但使神存九竅清煉得綿綿元氣定  
自然不食亦長生

羣仙降蜀宮

后土夫人

偶引羣仙到世間薰風殿裏醉華筵等閒貪賞不歸去  
愁殺韋郎一覺眠

王母

滄海成塵幾萬秋碧桃花發長春愁不來便是數千載



周穆漢皇何處游

麻姑

世間何事不潸然  
人得人情命不延  
適向蔡家廳上飲  
回頭已見一千年

上元夫人

思量往事一愁容  
阿母曾邀到漢宮  
城闕不存人不見  
茂陵荒草恨無窮

弄玉

采鳳飛來到禁闈便隨王母駐瑤池  
如今記得秦樓上偷見蕭郎惱妾時

太真

春夢悠揚生下界一堪成笑一堪悲  
馬嵬不是無情地自遇蓬萊睡覺時

臨刑賦

楊損

聖主何曾識仲都可嗟社稷在須臾  
市東便是神仙窟何必乘舟泛五湖

東洛貨丹

許學士

三千功滿去升天一住人間數百年  
華表他時却歸白  
滄溟應恐變桑田

天關回到世吟

九霄雲路竒哉險會抱冲身入太和  
今日東歸渾似夢  
望崖回首隔天波

經故宮女墳有感

聶通志

家國久隨狂寇沒春燕又向冢頭青  
如今憶得當時事

為爾傷心一涕零

長郊煙淡月華清  
因醉荒墳半夜醒  
失路孤吟不勝苦  
暗中應有鬼神聽

吟送酒

京昭儀寶仙

爭不遊人話  
此身此身長夜不知春  
自從國破家亡後  
壠上惟添芳草新

張夫人華國

休說人間恨  
戀多况逢佳客  
此相過堂中  
縱有千般樂

爭及陽春一曲歌

景才人舜英

幽谷窮花似妾身縱懷香艷吐無因多情公子能相訪  
應解回風暫借春

留金扼臂贈別

恩情未足曉光催數朶眠花未得開却羨一雙金扼臂  
隨君此去出泉臺

琴中歌

孫玄照

相如曾作鳳兮吟昔被文君會此音今日孤鸞還獨語  
痛哉仙子不彈琴

答孫客

王仙山

鴛鴦相見不相隨籠裏籠前整羽衣但得他時人放去  
水中長作一雙飛

送青城丈人酒

紫微孫處士

深羨青城好洞天白龍一覺已千年鋪雲枕石長松下  
朝退看書盡日眠

送王懿昌酒

將知骨分到仙鄉  
酒飲金華玉液漿  
莫道人間只如此  
回頭已是一年強

送太一真君酒

青城丈人

我眉仙府靜沉沉  
玉液金華莫厭斟  
凡客欲知真一洞  
劍門西北五雲深

送紫微處士酒

太一真君

此中何必羨青城  
玉樹雲樓不記名  
悶即乘龍游紫府

北辰南斗逐君行

蜀宮應制

李舜絃夫人

濃樹禁花開後庭  
飲筵中散酒醒醒  
濛濛雨草瑤階濕  
鐘曉愁吟獨倚屏

釣魚不得

盡日池邊釣錦鱗  
芰荷香裏暗銷魂  
依稀縱有尋香餌  
知是金鉤不肯吞

隨駕游青城



因隨八馬上仙山頓隔埃塵物象閒只恐西追王母宴  
却憂難得到人間

摘紫芝

李太玄

偶游洞府到芝田星月茫茫欲曙天雖則似離塵世了  
不知何處遇真仙

玉女舞霓裳

舞勢隨風散復收歌聲似磬韻還幽千回赴節填詞處  
嬌眼如波入鬢流

錦城春望

卓英英

和風裝點錦城春  
細雨如絲壓玉塵  
漫把詩情訪奇景  
艷花穠酒屬閒人

理笙

頻倚銀屏理鳳笙  
調中幽意起春情  
因思往事成惆悵  
不得緱山和一聲

游福感寺荅少年

牡丹未及開時節  
況是秋風莫近前  
留待來年二三月

一枝和露壓神仙

荅玄士

數載幽欄種牡丹裏香包艷待神仙  
神仙既有丹青術  
携取何妨入洞天

和錦城春望

眉娘

蠶市初開處處春九衢明艷起香塵  
世間縱有浮華事  
爭及仙山出世人

和理笙

但於閨閣熟吹笙  
太白真仙自有情  
他日丹霄驂白鳳  
何愁子晉不聞聲

畫地吟

太白山玄士

學得丹青數萬年  
人間幾度變桑田  
桑田雖變丹青在  
誰向丹青合得仙

贈葛氏小娘子

潘雍

曾聞仙子住天台  
欲結靈姻愧短才  
若許隨君洞中住  
不同劉阮却歸來

和潘雍

葛氏女

九天天遠瑞煙濃  
駕鶴駘龍意已同  
從此三山山上月  
瓊花開處照春風

紫霄夫人席上

桃花夫人

昔時訓子西河土  
漢使經過問妾緣  
自到仙山不知老  
凡間喚作幾千年

萬首唐人絕句卷六十八

欽定四庫全書

萬首唐人絕句卷六十九

宋 洪邁 編

七言

過大哥山池

明 皇

澄潭皎鏡石崔嵬  
萬壑千巖暗綠苔  
亭自有幽真趣  
況復秋深爽氣來

傀儡吟

刻木牽絲作老翁，雞皮鶴髮與真同。  
須臾弄罷寂無事，還似人生一夢中。

題梅妃畫真

憶昔嬌妃在紫宸，鉛華不御得天真。  
霜綃雖似當時態，爭奈嬌波不顧人。

上元日二首

文宗

上元高會集羣仙，心齋何事欲祈年。  
丹誠儻徹玉帝座，且共吾人慶大田。

莫生三五葉初齊上元羽客出桃蹊不愛仙家登真訣  
願蒙四海福黔黎

題涇縣水西寺

宣宗

大殿連雲接賞溪鐘聲還與鼓聲齊長安若問江南事  
說道風光在水西

謝賜珍珠

梅妃

桂葉雙眉久不描殘粧和淚污紅綃長門盡日無梳洗  
何必真珠慰寂寥



欽定四庫全書

卷六十九

大言聯句

顏真卿

高歌閬風步瀛洲  
燁鵬淪鯤餐未休  
四方上下無外頭  
一啜頓涸滄溟流

樂語

苦河既濟真僧喜  
新知滿坐笑相視  
戎客歸來見妻子  
學生放假偷向市

噉語

拈餽舐指不知休  
欲炙侍立涎交流  
過屠大嚼肯知羞

食店門外強淹留

醉語

逢糟遇麪便酩酊覆車墜馬皆不醒  
倒著接籬髮垂領  
狂心亂語無人並

酬令狐舍人

楊巨源

曉禁蒼蒼換直還暫低鷹翼向人間  
亦知受業公門事  
數仞高墻不見山

和令狐郎中

題詩一代占清機  
秉筆三年直紫微  
自稟道情韶亂異  
不同遽玉學知非

方城驛逢孟侍御

走馬溫湯直隼飛  
相逢矍鑠理征衣  
軍中得力兒男事  
入驛從容見落暉

題清涼寺

憑檻霏微松樹煙  
陶潛曾用道林錢  
一聲寒磬空心曉  
花雨知從第幾天

石水詞

山叟和雲斲翠屏煎時分日檢仙經天人持此扶衰病  
勝得瑤池水一瓶

宿杭州虛白堂

李郢

秋月斜明虛白堂寒蛩唧唧樹蒼蒼江風徹曉不得睡  
二十五聲秋點長

海鷗詠

顧況

萬里飛來為客鳥曾蒙丹鳳借枝柯一朝鳳去梧桐死

滿目鴟鵂奈爾何

玉藥院真人降

元稹

弄玉潛過玉樹時不教青鳥出花枝的應未有諸人覺  
只是嚴郎不得知

建節後偶作

楊汝士

拋却弓刀上砌臺上方臺榭與雲開山僧見我衣裳窄  
知道新從戰地來

題貢院

魏扶

梧桐葉落滿庭陰  
鎖閉朱門試院深  
曾是昔年辛苦地  
不將今日負初心

楊柳枝詞二首

皇甫松

爛漫春還水國時  
吳王宮殿柳絲垂  
綠鶯長叫香閨畔  
西子無因更得知

春入行宮暖翠旗  
玄宗侍女舞煙絲  
如今柳向空城綠  
玉笛何人更把吹

悼楊氏妓琴絃

韋莊

魂歸寥廓魄歸煙只住人間十八年昨日施僧裙帶上  
斷腸猶繫琵琶絃

西山靜中吟

施肩吾

重重道氣結成神玉闕金堂逐日新若數西山得道者  
連予便是十三人

對趙頴歌

朱子真

人間幾日變桑田誰識神仙洞裏天短促雖知有殊異  
且須歡醉在生前

題搔口

張仲謀

嘗聞燒尾便拏空只過天門更一重大禹未生門未鑿  
可能天下總無龍

春雪

焦郁

春雪空濛簾外斜霏微半入野人家長天遠樹山山白  
不辨梅花與柳花

夢中答妻

蘓檢

還吳東下過澄城樓上清風酒半醒想得到家春欲暮



海棠千樹已凋零

登慈恩寺塔

楊 玠

紫雲樓下曲江平  
鴉噪殘陽麥隴青  
莫上慈恩最高處  
不堪看又不堪聽

遣歌妓

垂老無端用意乖  
誰知道侶厭清齋  
如今又采薜蘿去  
辜負張君繡鞞鞋

長安舊居

四隣侵我我從伊畢竟須思未有時試上含元殿基望  
秋風秋草正離離

題東都安國觀

盧尚書

夕照紗窓起暗塵青松遶殿不知春君看白首誦經者  
半是宮中歌舞人

客舍寄柳博士

薛業

去年燕巢主人屋今年花發路傍枝年年為客不歸去  
舊國存亡那得知

題楊收相公宅

尹璞

禍福從來路不遙  
偶然平地上煙霄  
煙霄未穩還平地  
門對孤峯占寂寥

偶題

鄭雲叟

帆力衝開滄海浪  
馬啼踏破亂山青  
浮名浮利濃於酒  
醉得人心死不醒

題病僧寮

佛前香印廢晨燒  
金錫當門照寂寥  
童子不知師病困

報風吹折好芭蕉

啄木鳥

朱慶餘

丁丁向晚急還稀  
啄盡庭槐未肯歸  
終日為君除蠹害  
莫嗔無事不平飛

題故翠微宮

驪山遊者

翠微寺本翠微宮樓閣亭臺幾十重  
天子不來僧又去  
樵夫時倒一株松

題濠州高塘館

閻敬愛

借問襄王安在哉山川此地勝陽臺今宵寓宿高塘館  
神女何曾入夢來

戲題前詩後

李和風

高唐不是這高塘淮畔荆南各異方若向北中求薦枕  
參差笑殺楚襄王

贈杜荀鶴

王希羽

金榜曉懸生世日玉書漸記上昇時九華山色高千尺  
未必高於第八枝

西上辭母墳

陳去病

高蓋山頭日影微  
黃昏獨立宿禽稀  
林間滴酒空垂淚  
不見丁寧囑早歸

讀孝經

方愚

星彩滿天朝北極  
源流是處赴東溟  
為臣為子不忠孝  
辜負宣尼一卷經

大言詩

郊峭

線大長江扇大天  
履鞋拋在海東邊  
世間多少閒蟲豸

盡在郊生拄杖前

山居

陳寡言

醉卧茅堂不閉關  
覺來開眼見前山  
松花落處宿猿在  
麋鹿羣羣林際還

閑吟

徐靈符

學道全真在此生  
迷徒待死更求生  
今生不了無生理  
縱得生之何處生

侯臺秀才一首

大道全真在此生  
愚人待死更求生  
此生不在今生度  
縱有生從何處生

遺臨平監吏

朱沖和

三千里外布干戈  
果得鯨鯢入網羅  
今日寶刀無殺氣  
只緣君處受恩多

秋望夜吟和

長安二鬼

六街鼓絕行人歇  
九衢茫茫空有月  
九衢生人何勞勞  
長安土盡槐根高



贈穆郎

桂林青蘿帳女子

團圓今夕色光暉結了同心翠帶垂此後莫教塵點染  
他年長照歲寒姿

褰帳

揉藍綠色麴塵開靜見三星入坐來桂影已圖攀折後  
子孫長作棟梁材

題碧花牋

珠露素中書繾綣青蘿帳裏寄鴛鴦自憐孤影清秋夕

洒淚徘徊滴冷光

贈朱朴

廬山女子

知君久積池塘夢遣我方思變動來操執若同顏淑子  
今宵寧免淚盈顙

擊盤歌送歐陽訓酒

新林驛女子

飛燕身輕未是輕枉將弱質在巖扃今來不獨同鴛枕  
相伴神魂入杳冥

題二妃廟

尤啟中

目斷魂銷正惘然九疑山際路漫漫何人知得心中恨  
空有湘江竹萬竿

湘妃席上

常說仙家事不同偶陪花月此宵中錦屏銀燭皆堪恨  
惆悵紗窻向曉風

題二妃廟

崔渥

萬里同心別九重定知涉歷此相逢誰人翻向羣峯路  
不得蒼梧徇玉容

湘妃席上

春鳥交交引思濃  
豈期塵跡拜仙宮  
鸞歌鳳舞飄珠翠  
疑是陽臺一夢中

席間賦

湘妃

鸞輿昔日出蒲闌  
一去蒼梧更不還  
若是不留千古恨  
湘江何事竹猶斑

愁聞黃鳥夜闌闌  
媯汭春來有夢還  
遺美代移刊勒絕  
唯聞留得淚痕斑

同賦

西施

方承恩寵醉金盃豈謂干戈驟到來亡國破家皆有恨  
捧心無語淚蘇臺

同賦

桃源仙子

桃花流水兩堪傷洞口煙波月漸長莫道仙家無別恨  
至今垂淚憶劉郎

同賦

洞庭龍女

涇陽平野草初春遙望家鄉淚滴頻當此不知多少恨

至今空憶在靈姻

別主人

素娥

妾閉閒房君路岐  
妾心君恨兩依依  
冤神儻遇巫陽伴  
必逐朝雲暮雨歸

荅素娥

韋洵美

別恨離羣自古聞  
此心難捨意難論  
承恩必若頒時服  
莫使沾濡有淚痕

假僧塌悶吟

四壁紛紛蟋蟀聲背燈歌枕夢難成人間有此不平事  
何處人能報不平

題明月堂二首

劉氏婦

蟬鬢驚秋華髮新可憐紅隙盡埃塵西山一夢何年覺  
明月堂前不見人

玉鉤風急響丁東回首西山似夢中明月堂前人不見  
庭梧一夜老松風

題秦隴間郵亭

乾符童謠

八月無霜塞草青將軍騎馬出空城漢家天子西巡狩  
猶向江東更索兵

別本

秦隴無人塞草腥將軍一去泣空營漢家天子東巡狩  
行到江南又起兵

守戾申

程紫霄

不守戾申亦不疑此心常與道相依玉皇已自知行止  
任汝三彭說是非



題沙苑門

誰氏女

昔逐良人去上京  
良人身沒妾東征  
同來不得同歸去  
永負朝雲暮雨情

別本

昔逐良人去上京  
良人登第却東征  
同來却得同歸去  
免負朝雲暮雨情

題桐樹詠度支雜事典

駱浚

幹聳一條青  
玉直葉鋪千疊  
綠雲低爭如燕  
雀偏巢此

却是鴛鴦不得棲

彭門偶題

薛能

淮王西舍固非夫  
柳惲偏州未是都  
直到春秋諸列國  
擁旄才子也應無

惜花三首

張碧

千枝萬枝占春開  
彤霞著地紅成堆  
一窖閒愁驅不去  
殷勤對酒酌金盃

老鴉拍翼盤空疾  
準擬浮生如瞬息  
阿母蟠桃香未齎

漢皇骨葬秋山碧

朝開暮落煎人老  
無人為報東君道  
留取穠紅伴醉吟  
莫教少女來吹掃

僧院影堂

許渾

香銷雲凝舊僧家  
僧利殘燈壁半斜  
日暮松煙空漠漠  
秋風吹破妙蓮華

上歸州刺史代通狀二首

僧懷濬

家在閩山東復東  
其中歲歲有花紅  
如今不在花紅處

花在舊時紅處紅

家在閩川西復西其中歲歲有鶯啼如今不在鶯啼處  
鶯在舊時啼處啼

題縉雲山鼎池

徐凝

黃帝旌旗去不回空餘片石碧崔嵬有時風卷鼎湖浪  
散作晴天雨點來

題顏氏亭宇

孟賓于

園林蕭灑聞來久欲訪因循二十秋今日開襟吟不盡

碧山重疊水長流

題情盡橋

雍陶

從來只有情難盡何事名為情盡橋自此改名為折柳  
任他離恨一條條

弔孟昭圖

裴澈

一章何罪死何名投水惟君與屈平從此蜀江煙雨夜  
杜鵑聲作兩般聲

孟才人

張祜

偶因清唱奏歌頻  
選入宮中十二春  
絕後一聲河滿子  
九原須弔孟才人

江上旅泊呈杜員外

牛渚南來沙岸長  
遠吟佳句望池陽  
野人未必非毛遂  
太守還須是孟嘗

水殿拋毬曲二首

李謹言

侍宴黃昏曉未休  
玉階夜色月如流  
朝來自覺承恩最  
笑倩傍人認繡毬

堪恨隋家幾帝王，舞裯揉盡繡鴛鴦。如今重到拋毬處，  
不是金爐舊日香。

與夫訣

嚴灌出妻真氏

當時心事已相關，雨散雲收一餉間。便是孤帆從此去，  
不堪重過望夫山。

題僧院壁二首

鍾離權

得道高僧不易逢，幾時歸去願相從。自言住處連蓬島，  
別是蓬萊第一峯。

莫厭追陪笑語頻  
尋思離亂可傷神  
閒來屈指從頭數  
得見清平有幾人

送人

徐月英

惆悵人間萬事違  
兩人同去一人歸  
生憎平望亭前水  
忍照鴛鴦相背飛

叙懷

為失三從泣淚頻  
此身何用處人倫  
雖然日逐笙歌樂  
常羨荆釵與布裙



裴給事宅白牡丹

開元名公

長安豪貴惜春殘，爭賞新開紫牡丹。  
別有玉盤承露冷，無人起就月中看。

元白席上

李昇

生在儒家偶太平，玄纁重滯布衣輕。  
誰能世路趨名利，臣事玉皇歸上清。

端正樹

奉天文士

昔日偏沾雨露榮，德皇西幸賜佳名。  
馬嵬去此無多地，

合向楊妃冢上生

詠張諶山水


李頎

小山破體閒支策  
落日梨花照空壁  
詩堪記室始風流  
畫與將軍作勍敵

聽王敬遨彈琴

李山甫

幽蘭綠水耿清音  
歎息先生枉用心  
世上幾時曾好古  
人前何必獨沾襟



萬首唐人絕句卷六十九

欽定四庫全書

集部

萬首唐人絕句卷

七十一至七十二

詳校官庶吉士臣柳遵祖

助教臣常循覆勘

總校官編修臣王燕緒

校對官繙修臣勵守謙

謄錄監生臣何大士

欽定四庫全書

萬首唐人絕句卷七十

宋 洪邁 編

七言

感月

白居易

存亡感月一潸然  
月色今宵似往年  
何處曾經同望月  
櫻桃樹下後堂前

酬錢員外

雪中重寄雪山偈問荅殷勤四句中本立空名緣破妄  
若能無妄亦無空

夜惜禁中桃花因懷員外

前日歸時花正紅今夜宿時枝半空坐惜殘芳君不見  
風吹狼藉月明中

和元九荅山驛夢

入君旅夢來千里閉我幽魂欲二年莫忘平生行坐處  
後堂階下竹叢前

寄新蜀茶

蜀茶寄到但驚新  
渭水煎來始覺珍  
滿甌似乳堪持翫  
況是春深酒渴人

病中作

病來城裏諸親故  
厚薄親疎心總知  
唯有蔚章於我分  
深於同在翰林時

感化寺見元劉題名

微之謫去千餘里  
太白無來十一年  
今日見名如見面

塵埃壁上破窻前

發商州

商州館裏停三日待得妻孥相逐行  
若比李三猶自勝  
兒啼婦哭不聞聲

紅鸚鵡

安南遠進紅鸚鵡色似桃花語似人  
文章辯慧皆如此  
籠檻何年出得身

羅藥



自學坐禪休服藥從他時服病沉沉此身不要全強健  
強健多生人我心

讀莊子

去國辭家謫異方中心自怪少憂傷為尋莊子知歸處  
認得無何是本鄉

夢中贈曇禪師

五年不入慈恩寺今日尋師始一來欲知火宅焚燒苦  
方寸如今化作灰

三月三日懷微之

良時光景常虛擲壯歲風情已闌銷  
忽憶同為校書日  
每年同醉是今朝

戲贈戶部李判官

好去民曹李判官少貪公事且謀歡  
男兒未死爭能料  
莫作中州刺史看

送高侍御因寄楊八

明月峽邊逢制使黃茅岸上是忠州  
到城莫說忠州惡

無益虛教楊八愁

棣華驛見楊八題夢兄弟詩

遙聞旅宿夢兄弟應有郵亭名棣華名作棣華來早晚  
自題詩後屬楊家

赴杭州重宿驛感題

往恨今愁應不殊題詩梁下又跼蹐羨君猶夢見兄弟  
我到天明睡亦無

慈恩寺有感

自問有何惆悵事  
寺門臨入却遲回  
李家哭泣元家病  
柿葉紅時獨自來

惜園花

曉來紅萼凋零盡  
始見空枝四五株  
前日狂風昨夜雨  
殘芳更合得存無

樟亭雙櫻

南館西軒兩樹櫻  
春條長足夏陰成  
素華朱實今雖盡  
碧葉風來別有情

問楊瓊

古人唱歌兼唱情今日唱歌惟唱聲  
欲說向君君不會試將此語問楊瓊

思子臺有感二首

曾家機上聞投杼尹氏園中見掇蜂  
但以恩情生隙罅何人不解作江充

聞生魑魅蠹生蟲何異讒生疑  
阻中但使武皇心似燭江充不敢作江充

和郭使君枸杞

山陽太守政嚴明，吏靜人安無犬驚。  
不知靈藥根成狗，怪得時聞吠夜聲。

元相挽歌詞三首

銘旌官重威儀盛，騎吹聲繁鹵簿長。  
後魏帝孫唐宰相，六年七月葬咸陽。

墓門已閉笳簫去，惟有夫人哭不休。  
蒼蒼露草咸陽壠，此是千秋第一秋。

送葬萬人皆慘澹反虞駟馬亦悲鳴  
琴書劍佩誰收拾  
三歲遺孤新學行

病免後喜除賓客

臥在漳濱滿十旬起為商客伴三人  
從今且莫嫌身病  
不病何由索得身

勸病鶴

右翅低垂左脰傷可憐風貌甚昂藏  
亦知白日青天好  
未要高飛且養瘡

醉中重留夢得

劉郎劉郎莫先起  
蘇臺蘇臺隔雲水  
酒盞來從一百分  
馬頭去便三千里

送崔駙馬赴兗州

戚里誇為賢駙馬  
儒家認作好詩人  
魯侯不得辜風景  
沂水年年有暮春

送僧遊江南

忽辭洛下緣何事  
擬向江南住幾時  
每過船頭應問法



無妨菩薩是船師

往年喪白馬題詩廳壁感懷

路傍埋骨蒿草合壁上題詩塵蘚生馬死七年猶悵望  
自知無乃太多情

二月二日

二月二日新雨晴草芽菜甲一時生輕衫細雨春年少  
十字津頭一字行

戲荅思黯

征夫與我世相忘故態些些亦不妨縱酒放歌聊自樂  
接輿爭解教人狂

醉後聽唱桂華曲

桂華詞意苦丁寧唱到嫦娥醉便醒此是世間腸斷曲  
莫教不得意人聽

荅閒上人問風病

一牀方丈向陽開勞動文殊問疾來欲界凡夫何足道  
四禪天始免風災

罷灸灸

病身佛說將何喻  
變滅須臾豈不聞  
莫遣淨名和我笑  
休將火灸浮雲

強起迎春

杖策人扶廢病身  
情和強起一迎春  
他時蹇跛縱行得  
笑殺平原樓上人

夜涼

露白風清庭戶涼  
老人先著夾衣裳  
舞腰歌袖拋何處

唯對無絃琴一張

寄潮州楊繼之

相府潮陽俱夢中  
夢中何者是窮通  
他時事過方應悟  
不獨禁空辱亦空

贈思黯

為憐清淺愛潺湲  
一日三迴到水邊  
若道歸仁灘更好  
主人何故別三年

離別難詞

綠楊陌上送行人馬去車回一望塵不覺別時紅淚盡  
歸來無可更沾巾

池上寓興

濠梁莊惠漫相爭未必人情知物情獺捕魚來魚躍出  
此非魚樂是魚驚

灘聲

碧玉斑斑沙歷歷清流泱泱響泠泠自從造得灘聲後  
玉管朱絃可要聽

題石泉

殷勤傍石遶前行  
不說何人知我情  
漸恐耳聾兼眼暗  
聽泉看石不分明

招山僧

能入城中乞食否  
莫辭塵土污袈裟  
欲知住處東城下  
遶竹泉聲是白家

池鶴八絕句

雜贈鶴

一聲警露君能薄五德司晨我用多  
不會悠悠時俗士  
重君輕我意如何

鶴荅雞

爾爭伉儷泥中鬪吾整威儀松上棲  
不可遣他天下眼  
却輕野鶴重家雞

烏贈鶴

與君白黑太分明縱不相親莫見輕  
我每夜啼君怨別  
玉徽琴裏忝同聲

鶴荅烏

吾愛棲雲上華表汝多攫肉下田中  
吾音中羽汝聲角  
琴曲雖同調不同

鳶贈鶴

君誇名鶴我名鳶君叫聞天我戾天  
更有與君相似處  
飢來一種啄腥羶

鶴荅鳶

無妨自是莫相非清濁高低各有歸  
鸞鶴羣中彩雲裏



幾時曾見喘鳶飛

鵝贈鶴

君因風送入青雲  
我被人驅向鴨羣  
雪頸霜毛紅網掌  
請看何處不如君

鶴荅鵝

右軍歿後欲何依  
只合隨雞逐鴨飛  
未必犧牲及吾輩  
大都我瘦勝君肥

禽蟲八章

燕違戊己鵲避歲茲事因何羽族知疑有鳳王頌鳥歷  
一時一日不參差

江魚羣從稱妻妾塞雁聯行號弟兄但恐世間真眷屬  
親疎亦是強為名

阿閣鸚鵡田舍烏妍虫貴賤兩懸殊如何閉向深籠裏  
一種摧頽觸四隅

有所感也

獸中刀鎗多怒吼鳥遭羅弋盡哀鳴羔羊口在緣何事

閣死屠門無一聲

有所悲也

螭螭殺敵蚊巢上蠻觸交爭蝸角中應似諸天觀下界

一微塵內闢英雄

自照也

蠓蝟網上胃蟚蛄反覆相持死始休何異浮生臨老日

一彈指頃報恩讎

蟻王化飯為臣妾螺母偷蟲作子孫彼此假名非本物  
其間何怨復何恩

鵝乳養雛遺在水魚心想子變成鱗細微幽隱何窮事

知者唯應是聖人

李賈二大諫拜命後寄楊八  
劉禹錫

諫省新登二直臣  
萬方驚喜捧絲綸  
則知天子明如日  
肯放淮陽高臥人

洛中春末從杜錄事

尊前花下長相見  
明日忽為千里人  
君過午橋回首望  
洛城猶自有殘春

米嘉榮  
與前篇不同

一別嘉榮三十載  
忽聞舊曲尚依然  
如今世俗輕前輩

好染髭鬚事少年

上崔殷

延福里筆精

能令音信通千里解致蛟龍運八行惆悵江生不相賞  
應緣自負好文章

寄弟洎蜀牋

韓浦

十樣蠻牋出益州寄來新自浣溪頭老兄得此全無用  
助爾添修五鳳樓

哭林傑

鄭宣

才高未許賈生年何事孤寃逐逝川  
螢聚帳中人已去  
鶴離臺上月初懸

雪席口占

高宗文

崇文宗武不崇文提戈出塞舊從軍  
有似蕃兒射雁落  
白毛空裏亂紛紛

迎孫刺史

池州門子朱元

昔日郎君今刺史朱元依舊守朱門  
今朝竹馬諸童子  
君是當時竹馬孫

秘色越器

陸龜蒙

九秋風露越塞開  
奪得千峯翠色來  
好向中宵盛沆漑  
共稽中散闕遺杯

舊識銀工邀食

薛昭緯

一櫟氈根數十皴  
盤中猶更有紅鱗  
早知文字多辛苦  
悔不當初學鍛銀

熱戲樂

張祐

熱戲爭心劇火燒  
銅槌暗熱不相饒  
上皇失喜寧王笑

百尺幢竿果動搖

玉環琵琶

宮樓一曲琵琶聲滿眼雲山是去程  
回顧段師非汝意  
玉環休把恨分明

題酸棗驛前碑

蒼苔古澁自雕踈誰道中郎筆力餘  
長愛當時遇王粲  
每來碑下不關書

題朱兵曹山居



朱氏西齋萬卷書  
水門山閣自高踈  
我來穿穴非無意  
願向君家作壁魚

贈畫僧二首

骨峭情高彼岸人  
一杯長泛海為津  
僧儀又入清流品  
却恐前生是許詢

瘦頸隆肩碧眼生  
翰林親讚虎頭能  
終年不語看如意  
似證禪心入大乘

送走馬使

新樣花文配蜀羅同心雙帶感金蛾慣將喉舌傳君好  
馬跡鈴聲遍兩河

題御溝

萬樹垂楊拂御溝溶溶漾漾遶神州都緣濟物心無阻  
從此恩波處處流

題青龍寺

二十年沉滄海間一游京國也應然人人盡到求名處  
獨向青龍寺看山

硫黃

一粒硫黃入貴門  
寢堂深處問玄言  
時人盡說韋山甫  
昨日餘干弔子孫

散花樓

錦江城外錦城頭  
回望秦川上軫憂  
正值血冤來夢裏  
杜鵑聲在散花樓

王家五絃

五條絃出萬端情  
撚撥間關漫態生  
唯羨風流田太守

小金鈴子耳邊鳴

聽薛陽陶吹蘆管

紫清人下薛陽陶末曲新笳調更高無奈一聲天外絕  
百年已死斷腸刀

聽簡上人吹蘆管

蜀國僧吹蘆一枝隴西游客淚先垂至今留得新聲在  
却為中原人不知

過汾水關

千里南來背日行  
關門無事一侯嬴  
山根百尺路前去  
十夜耳中汾水聲

櫻桃

石榴未拆梅猶小  
愛此山花四五株  
斜日庭前風裊裊  
碧油千片漏紅珠

酬凌秀才惠枕

八寸黃楊惠不輕  
虎頭光照篔簹文  
清空心想此緣成  
夢  
拔劔燈前一夜行

送溫飛卿赴方城

方城新尉曉衙參，却是傍人意不甘。  
盡夜與君思賈誼，瀟湘猶隔洞庭南。

感春申君

薄俗何心議感恩，諂容卑迹賴君門。  
春深還道三千客，寂寞無人殺李園。

送張參及第還家

錢起

太學三千聞琢玉，東堂一舉早成名。  
借問還家何處好

中人含笑下機迎

送符別駕還錢塘

驥足駸駸吳越間  
屏星復與紫書還  
知君從事元無事  
城上愁看海上山

晚歸嚴明府題門

降士林霑蕙草寒  
空驚翰苑失鴟鸞  
秋中回首君門阻  
馬上應歌行路難

僧壁畫山水

連山畫出映禪扉  
粉壁香筵滿翠微  
坐來鑪氣縈空徹  
共指晴雲向嶺歸

校獵曲

長楊殺氣連雲飛  
漢主秋畋正掩圍  
重門日晏紅塵出  
數騎畋人獵獸歸

桃花潭別汪倫

李白

李白登舟欲遠行  
忽聞江上踏歌聲  
桃花潭水深千尺  
不及汪倫送我情



哭殷遙

王維

送君返葬石樓山  
松柏蒼蒼賓馭還  
埋骨白雲長已矣  
空餘流水向人間

李龜年所歌

清風朗月苦相思  
蕩子從戎十載餘  
征人去日殷勤祝  
歸鴈來時數附書

萬首唐人絕句卷七十